



Youq ndaw ngoenznaengz gwn-daen, miz haujlai haujlai saeh sawj gou gamjdoengh, hoeng, sawj gou cei gamjdoengh haenx dwg miz baez fong haiz ndeu.

Haenx dwg seizdoeng aen ban-haemh ndeu, gaenq haj diemj buenq lo, rumzbaek cihuhu, dawz gij nywzroz mbawloenq gwnz dieg gienj hwnj gwnz mbwn bae, geuj geij geuj youh doek roengzdaeu. Gyoengqvunz yungh buhmienz suk aendang ndaetfwdad, gipgip muengzmuengz ganj ma ranz.

Gou aemq aen daehsaw, daenj gouh haizmienz baihnaj byoengq cong h haenx baez yamq baez yamq byaij baema. Gouh haiz byoengq

Gienh Saeh Gamjdoengh Ndeu

一件感人的事

贵港市覃塘区蒙公乡廖瑞小学五(1)班 黄妃

cong h sawj gou gamjdaengz engq nit lo, danghnaeuz ndaej fong cong-byoengq hwnjdaeu, couh ndei lo! Seizhaenx, gou yawjraen baihnaj liz gou mbouj gya haenx, miz boux bouxlaux ndeu cingq yaek rap aensieng fong haiz baema. Gou ganjgip hemq sing ndeu, youh dingz youq lo, sim siengj: Suenq lo, mbwn yaek laep lo, ngoenzcog caiq fong ba. Hoeng bouxlaux cix mbouj haengj lo, hemq gou: "Dahniq, fong haiz ha?"

"Mbwn yaek laep lo, mbouj fong lo." "Mbouj youqgaen, gou lij yawj ndaej raen, vaiq di dawz haiz duet okdaeu ba." Gou naemj dwg mbouj dwg de daiq dam cienz lo, gou gaenq gangj mbouj fong lo, hoeng mbouj-guenj gou baenzlawz doi, de cungj dwg gangj mbouj youqgaen, gou doi mbouj gvaqbae, cijnde hawj de fong lo.

Gou sijsaeq yawj boux bouxlaux

fong haiz neix, byoem hau, naj henjdaem, doiq da hoemz, najbyak miz geij diuz nyaueq gig yienh. Aiq dwg ciengzgeiz fong haiz, fajfwngz miz daw, sam lwgfwngz cungqgyang nem miz gyauhu. De au song ga geb haiz maenh, fwngz gvaz gaem cim yungh rengz mbongq daejhaiz, fwngz swix beng sienq gvaqdaeu, baenz cim baenz cim sijsaeq fong. Aenvih mbwn daiq nit lo, de seiz mbouj seiz yungh bak ha fwngz de. Giz byoengq fong ndei le, de cix mbouj dingz fwngz, youh gya fong baez ndeu, itmienh fong itmienh naeuz: "Sou lwgnyez daenj haiz, haiz mbouj gietsaed mbouj ndaej ha!"

Haiz fong ndei lo, gou daj ndaw daeh mbon cienz, hong lumh caez daehbuh daehvaq, cix ra mbouj ok faen cienz ndeu, mbouj rox cienz seiz lawz deng doek lo, gou gip lo, mbouj

rox baenzlawz guh.

Bouxlaux fong haiz raen gou baenzneix diuqgah, riu lo, naeuz: "Suenq lo, mbouj yungh ra lo." Gou mbouj rox baenzlawz guh ndei, gvaq yaep he cij siengj hwnj docih bouxlaux, naeuz: "Daxgoeng, docih lo! Mwngz baenzneix laux lo, vihmaz lij okdaeu fong haiz, mbouj youq ranz yiengjufuk ne?" "Youq hix beg youq, mboujyawx okdaeu fongfong haiz, hawj vunz daiq daeu fuengbienh." Bouxlaux riu dwk naeuz. Dingq bouxlaux baenzneix gangj, gou gig gamjdoengh.

Gou daenj ndei haiz byaij baema, byaij geij yamq ngeux gyaueq yawj bouxlaux sousib siengfonghaiz, sawq-mwh raq raeurub he daj laj din cienz daengz daengx ndang, gou di ndeu cungj mbouj roxnyinh nit lo.

(指导老师: 洗娟凤)

Siuj Hagseng Lienhsij Cihmeh Sawcuengh



Sanglinz Yen
Dangzhungz Yangh
Sizmwanz Cunh Siuj-
yoz, dwg aen siujyoz
Cuengh Gun song saw
vah sonhag sawq-
niemh he. Aen
hagdangz neix nyinh-
caen gvancez lozsiz
minzcuz cwngcwz
caeuq gyauryz fueng-
cim dangj, roengzsim
yenzgiu Cuengh Gun

song saw vah sonhag, hong sonhag aeundaen cingz cik gig ndei. Ndaw doz dwg hagseng aen hagdagz neix cuengqhag le gag lienhsij cihmeh Sawcuengh.

(Cinz Yungj ingj/sij)



Gij Lijsiengj Gou

我的理想

贵港市覃塘区蒙公乡廖瑞小学六(1)班 韦忠莹

cungj son hawj raeuz gohyoz cihsiz, lwnh raeuz dauhleix guh vunz. Miz di hagseng mbouj dingqvah, ciengz nyauhlenh, caemhcai haemz lauxsae. Hoeng, lauxsae cix gig miz naihsim, menhmenh au dauhleix daeu sonyinx hagseng.

Cuengqhag le, lauxsae lij caengz ndaej ma ranz, de lij vih raeuz gai cozyez; gyanghaemh raeuz cungj ninzdaek lo, fuengz lauxsae daeng lij rongh, dwg lauxsae cingq vih ngoenzlaeng hwnjdangz beigo. Lauxsae vih guekgya son' gyaug vunz miz caiz mbouj lau sinhoj cungj cingsaenz neix, sawj gou gig boiqfug, gig gingqcungh. Couh sawj gou miz majhung le dang lauxsae cungj lijsiengj neix.

Lijsiengj gou dwg yienghneix, lijsiengj mwngz dwg gijmaz ne?

(指导老师: 邓福生)

Gaeqmeh Aeu Namhfaenx Dajcaemx

母鸡用泥土洗澡

贵港市覃塘区蒙公乡廖瑞小学四(1)班 韦瑞雁

Ngoenzsinghiz, gou youq gwnz laeuz yawj densi. Sawqmwh, laj laeuz cienz daeu sing "caca". Gou gig geizheih, siengj rox dwg gijmaz yiengj, couh buet roengz laeuz bae yawj.

Gou yawjraen gwnz diegnywj miz geij duz gaeqmeh aeu nyaug viq namh, viq le haujlai nanz, gou raen mbouj miz maz ndei yawj, ngamq siengj byaij bae, sawqmwh, gaeqmeh youq ndaw namh de viq haenx ringx bae ringx dauq, yienzhaueh youh yunghrengz bek doiq fwed baet aendang de. Gou

naemj: Gaeqmeh vihmaz viq namh ne? Vihmaz youq ndaw namhfaenx ringx bae ringx dauq ne? De vihmaz youh yungh rengz bek doiq fwed baet aendang ne?

Gij vwndiz neix gou mbouj mingzbe, couh bae cam daxboh. Daxboh naeuz: "Gou mbouj rox bw, mwngz bae cam daxgoeng". Gou youh cam daxgoeng, daxgoeng gou hix mbouj rox dapanq. Loengh mbouj mingzbe ndaw sim gou gig mbouj ndei souh. Gou sawqmwh siengj

daengz hwnj dennauj bae caz dapanq.

Gou sikhaek bae hai dennauj, gwnz dennauj gangj, gwnz ndang duzgaeq miz cungj non ndeu sup lwed de. Duzgaeq youq ndaw namhfaenx ringx, hawj namhfaenx cungj nem gwnz ndang de, bwn gaeq couh nyungq lo. Yienzhaueh, duzgaeq yunghrengz bek fwed saeuj ndang, duznong gwnz ndang couh doek roengzdaeu lo. Vih-liux niemhcingq aen dapanq neix, gou youh bae caz bonj saw 《Cib Fanh Aen Vih Gijmaz》, gwnz saw gangj gij ei-



sei haenx caeuq dapanq gwnz dennauj ityiengh.

Swngghoz fuengsik doenghduz gig mizyinx, raeuz aeu lailai bae cazyawj, cij miz fatyienh, miz soundaej.

(指导老师: 陈静)